



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-1-40-610-2/24**
Datum: **13.01.2025. godine**

«Agencija za vodno područje rijeke Save» Sarajevo rješavajući po zahtjevu Službe za prostorno planiranje, imovinsko pravne poslove i katastar, Općina Gornji Vakuf – Uskoplje u ime Investitora **BEGANOVIĆ FERID** iz ulice Odvode 8 bb, Gornji Vakuf-Uskoplje za izdavanje prethodne vodne saglasnosti u postupku pribavljanja urbanističke saglasnosti za gradnju betonsko-metalne ograde, na osnovu člana 139. stav 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99, 61/22), **donosi**

RJEŠENJE

1. Odbija se zahtjev Investitora **BEGANOVIĆ FERID** iz ulice Odvode 8 bb, Gornji Vakuf-Uskoplje za izdavanje prethodne vodne saglasnosti u postupku pribavljanja urbanističke saglasnosti za gradnju betonsko-metalne ograde na parceli označenoj kao k.p. 1415/15 (novi premjer) K.O. Gornji Vakuf, tj k.č. 1769/15 (stari premjer) SP_Gornji Vakuf, kao neosnovan.

Obrazloženje

Služba za prostorno planiranje, imovinsko pravne poslove i katastar, Općina Gornji Vakuf – Uskoplje u ime Investitora **BEGANOVIĆ FERID** iz ulice Odvode 8 bb, Gornji Vakuf-Uskoplje obratila se zahtjevom za izdavanje prethodne vodne saglasnosti u postupku pribavljanja urbanističke saglasnosti za gradnju betonsko-metalne ograde na parceli označenoj kao k.p. 1415/15 (novi premjer) K.O. Gornji Vakuf, tj k.č. 1769/15 (stari premjer) SP_Gornji Vakuf.

Uz zahtjev je dostavljena sljedeća dokumentacija:

- Kopija katastarskog plana, razmjera 1:1000, broj plana: 6 E 16-26-16 K.O. Gornji Vakuf, izdato od Služba za prostorno planiranje, imovinsko pravne poslove i katastar, Općina Gornji Vakuf –Uskoplje;
- Akt – zahtjev Investitora Beganović Ferid za izdavanje urbanističke saglasnosti od 31.03.2023 godine.

Nakon izvršenog uvida u dostavljeni zahtjev i priloženu dokumentaciju a kroz Informacioni sistem voda-ISV utvrđeno je da se predmetna parcela k.č. 1415/15 djelimično nalazi u vodnom dobru uz vodotok I kategorije i da je dio predmetne parcele ugrožen poplavama ranga pojave 1/100.

- Rijeka Vrbas, zbog značaja koji ima za upravljanje vodama u skladu sa članom 5. Zakona o vodama («Službene novine Federacije BiH», broj 70/06), pripada vodotocima I kategorije za čije upravljanje, kao i zemljišnim česticama uz ove vodotoke koje pripadaju vodnom dobru član 7. Zakona o vodama, nadležna je Agencija za vodno područje rijeke Save" Sarajevo.
- Na vodnom dobru je zabranjeno izvoditi zahvate osim onih kojih su navedeni članom 12. Zakona o vodama.
- Na poplavnom području su izričito zabranjene sve aktivnosti koje mogu za vrijeme poplava imati štetan uticaj na vode, vodno dobro, priobalno zemljište i zaštitne objekte, a koje su pobrojane u članu 96. Zakona o vodama.
- Uvidom u Informacioni sistem voda- ISV Agencije utvrđeno je da se predmetna zemljišna čestica označena kao k.č. broj: 1415/15 djelimično nalazi unutar granice vodnog dobra i tu nije dozvoljeno izvoditi zahvate osim onih koji su navedeni u članu 12. Zakona o vodama.
- Također, uvidom u Informacioni sistem-ISV utvrđeno je da je predmetna zemljišna čestica označena kao k.č. broj: 1415 dijelom ugrožena poplavama ranga pojave 1/100 te za taj dio predmetne zemljišne čestice u ovom slučaju važe i zabrane iz člana 96. stav 1. tačka 16. Zakona o vodama.
- Prema članu 96. stav (1) Zakona o vodama, na poplavnom području su izričito zabranjene sve aktivnosti koje mogu za vrijeme poplava imati štetan uticaj na vode, vodno dobro, priobalno zemljište i zaštitne objekte a naročito, prema tački 16. istog člana, podizati zgrade i druge objekte koji ne služe odbrani od poplava i koji sprečavaju prilaz vodotoku na udaljenosti manjoj od 10m od linije dopiranja

velikih stogodišnjih voda za sve površinske vode izuzev ako je vlasniku ili korisniku uvjetovana izgradnja objekta prethodnim preduzimanjem zaštitnih mjera kojima se onemogućuju ili smanjuju štetne posljedice od voda. Ovo izuzeće se ne odnosi na zemljišne čestice i objekte u istim područjima koje se nalaze u pojasu vodnog dobra i za koje važe zabrane gradnje.

U skladu sa gore navedenim, izdavanje bilo kakve saglasnosti bilo bi u suprotnosti sa odredbama Zakona o vodama («Službene novine Federacije BiH», broj: 70/06), s toga je riješeno kao u dispozitivu rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta: Ahmedić Behija dipl.inž.tehn.

Po ovlaštenju
Rukovodilac sektora za izdavanje vodnih akata

Nihad Pezo, dipl.inž.grad.

Dostaviti:

- Služba za prostorno planiranje, imovinsko pravne poslove i katastar, Vrbaska bb, Gornji Vakuf-Uskoplje
- BEGANOVIĆ FERID, ul. Odvode 8 bb, Gornji Vakuf-Uskoplje
- ☞ AVP, ISV – Vodna knjiga
- Sektor 40, arhiva
- Oglasna ploča, AVP Sava